



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

CLXVII. Erectio Collegii Monachorum Casinensium de Urbe, & Leges pro
eodem.

[urn:nbn:de:hbz:466:1-74708](#)

impressis manu alicujus Notarii publici subscripsit, & sigillo personæ in Ecclesiastica Dignitate constituta munitis, eadē prorsus fides ubi cumque locorum tam in iudicio, quam extra illud habeatur, quæ præsentibus haberetur, si forent exhibita, vel ostensa.

Datum Romæ apud S. Mariam Majorem sub Annulo Piscat. die XXI. Mart. MDCLXXXVII. Pontificatus nostri Anno Undecimo.

CLXVI.

Confirmatur Decretum Congreg. Episc. & Reg. super subjectione Collegiatæ S. Germani Ecclesiæ Abbatiali Montis Casini.

De jurisdictione in Monachos Confessarios Ecclesiæ S. Scholasticiæ, & Specus Sublacæ. vid. Constat. 1676., Nov. 17., P. 1. De prima vero subjectione plura extant Benedicti XIII. Const. que inc. Inscrutabilis ed. 1725.

Dat. 22. Mar.
1687. An. II.

INNOCENTIUS PAPA XI.

Ad futuram rei memoriam.

Lis inter
Abbatem
Montis Casini,
& Capitu-
lum Eccle-
siae Colle-
giatæ S. Germa-
ni.

Decretum
d. Congre-
gationis.

Preces Pro-
curatoris
Gen.

Alias in Causa jurisdictionis, quæ inter dilectos filios Abbatem, & Monachos Monasterii Montis Casini Ordinis S. Benedicti ex una, & dilectos etiam filios Capitulum, & Canonicos Collegiatæ Ecclesiæ S. Germani ex altera Partibus pendebat indecisa, emanavit a Congregatione Venerabilium Fratrum nostrorum S. R. E. Cardinalium Decretum, tenoris, qui sequitur, videlicet. In Causa Montis Casini jurisdictionis verten. inter P. Abbatem, Monachos Montis Casini ex una, & Capitulum, & Canonicos Collegiatæ S. Germani partibus ex altera de, & super dubiis, & controversiis per hanc Sac. Congregationem Emorum S. R. E. Cardinalium negotiorum, & Consultationibus Episcoporum, & Regularium præpositam, Partibus hinc inde in facto, & Jure informantibus sub die 12. Martii 1676. referente Emo Castaldo remissis ad Sacrum Auditorium Rotæ pro ejus voto. Eadem Sacra Congregatio visis tribus Decisionibus per Sacram Rotam utraque Parte informante coram R. P. D. Albergato editis sub diebus 30. Aprilis 1677., 14. Aprilis 1679., & 27. Januarii 1681., viso quo ejusdem Sacra Rota voto registrato in calce ultimæ Decisionis emanatae omnibus Auditoribus votantibus, reque mature discussa, necnon pluries citato, & intimato Procuratore Capituli, & Canonorum S. Germani, referente Eminentiss. Casanate in locum Eminentissimi Castaldi absens subrogato, censuit, & declaravit, Ecclesiam Collegiatam S. Germani esse subiectam Ecclesiæ Abbatiali Montis Casini, eidemque Ecclesiæ S. Germani, illiusque Capitulo, & Canonico super præmissis Dubiis, & controversiis imponendum fore, & esse perpetuum silentium, prout præsentis Decreti vigore imponit. Roma 14. Novem. 1681. G. Cardinalis Carpi- neus. B. Panciatius Secretarius.

S. 1. Cum autem sicut dilectus filius Procurator Generalis Congregationis Casinensis d. Ordinis nobis nuper exponi fecit, ipse Decretum hujusmodi, quo firmius subsistat Apostolica confirmationis nostra robore communiri plurimum desideret: Nos ipsius Procuratoris Generalis votis hac in re quantum cum Dño possumus, favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis Sententiis, Censuris, & pœnis a jure, vel ab homine quavis occasione, vel causa latiss., si quibus quomodolibet innodus existit ad effectum præsentium dumtaxat consequendum harum ferie absolventes, & absolutum fore censentes, supplicationibus ejus nomine Nobis super hoc humiliter porrectis, in-

clinati, Decretum præsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus; salvâ tamen semper in præmissis auctoritate memoratae Congregationis Cardinalium.

§. 2. Decernentes easdem præsentes literas semper firmas, validas, & efficaces existere, & fore, suosque plenarios, & integratos effectus fortiri, & obtinere; ac illis ad quos spectat, & pro tempore spectabit, plenissime suffragari, & ab eis respective inviolabiliter observari: sive in præmissis per quoscumque Judices Ordinarios, & Delegatos etiam Causarum Palatii Apostolici Auditores, judicari, & definiri debere; ac irritum, & inane si fecis super his a quoquā quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariae quibuscumque.

Datum Romæ apud S. Mariam Majorem sub Annulo Piscat. die XXII. Mar. MDCLXXXVII. Pontificatus Nostri Anno Undecimo.

Erigitur Collegium studiorum in Monasterio S. Pauli extra moenia Urbis Monachorum Casinensis, & pro eo leges nonnullæ conduntur.

Constitutiones eorum Monachorum extant Const. ed. 1680., Novem. 22., P. 5., & quoddam Statutum pro Dieta intermedia Innoc. XII. Constit. ed. 1691., Jul. 28., P. 1.

INNOCENTIUS PAPA XI.

Ad perpetuam rei memoriam.

Inscrutabili divina sapientia, atque bonitatis arcano Catholicæ Ecclesiæ regimini meritis licet imparibus præsidentes, Sacratum, eisque ancillantium bonarum literarum studia, per quæ depulsa ignorantia caligine, mentes lucè veritatis illustrantur in Ordinibus, & Congregationibus Regularibus, præsertim sub suavi Monasticæ vita jugo Deo famulantibus, uberesque bonorum operum fructus adjuvante Domino proferre jugiter fatagentibus libenter excitamus, & promovemus, ac Pastoralis Officii Nostri partes peculiari desuper charitate interponimus, sicut rerum, temporum, & personarum qualitatibus matura considerationis trutina perpenitus ad omnipotentis Dei gloriam, Religionis, & Catholicæ Fidei Incrementum, & præsidium, ac ipsorum Ordinum, Congregationis decus, & utilitatem, animarumque salutem in Domino expedire arbitramur.

S. 1. Considerantes itaque quantum decoris, & utilitatis Congregationi Casinensi Monachorum Ordinis Sancti Benedicti, cuius egregia constant in Ecclesiam Dei merita, sit peruenturum, si in Monasterio S. Pauli prope, & extra moenia hujus Almae Urbis nostræ, ejusdem Congregationis Collegium studiosorum, in quo Monachi ipsius Congregationis Philosophia, & Sac. Theologie, vel Canonum studiis sedulo navent operam, opportunis rationibus instituuntur, jamque provida Superiorum Monasterii seu Congregationis hujusmodi industria, de iis, quæ ad ejusmodi Collegii, ejusque Collegialium, & Lectorum sustentationem, & manutentionem necessaria sunt, sufficienter provisum reperi: Motu proprio, ac ex certa scientia, & matura deliberatione nostris, deque Apostolicæ potestatis plenitude, in Præfato Monasterio S. Pauli, & respective in ædibus S. Callisti de eadem Urbe, ubi Monachi d. Monasterii astivo tempore degere solent, unum Collegium studiosorum, in quo decem saltem Monachi professi d. Congregationis Casinensis

Commen-
datur d. Col-
legium.

Erectio Col-
legii in Mo-
nasterio S.
Pauli, & in
ædibus S.
Callisti.

nenfis

Confirmatio
relati Decre-
ti.

Clausula.

CLXVII.

Dat. 22. Mar.
1687. An. II.

Exordium.

nensis Theologiae Scholasticae, & Sacrorum Canonum studii sub idoneis Lectoribus, seu Magistris operam navare, & in illis institui, atque sedulo instrui debeant, tenore praesentium, sine cuiusquam praejudicio in perpetuum erigimus, & infinitimus.

De Lectoribus.

§. 2. Statuentes, & Apostolica autoritate ducentes, & ordinantes, ut Lectors, seu Magistri in novo Collegio sic erecto, & instituto scientias edocuri, ex ordine salem Decanorum dictae Congregationis Cassinensis, feligantur, iisque ad id muneri idonei censeantur, qui optimis moribus, vitæque integritate præcipue fulgere nesciuntur, quique per integrum septennium in aliis Monasteriorum ejusdem Congregationis Scholis, aut in Universitatibus studiorum generalium Philosophiam, & Scholasticam Theologiam publice professi fuerint. Ne autem ilorum electionem, ulla prouersus terrena affectio contaminet, idem Lectors, seu Magistri in Capitulo Generali præfata Congregationis Cassinensis a cunctis Diffinitoribus per secreta suffragia elegantur, præstito prius juramento eos eligendi, quos doctiores, aptiores, & præstantiores esse pro sua quicunque conscientia in Domino judicaverit. Ipsi vero Lectors, seu Magistri hac forma electi, in Theologiae Scholasticae cursu eas scientias, & scripto, & voce discipulos doceant, qua S. Anselmi Cantuariensis Archiepiscopi, ex S. Benedicti Ordine assumpti, doctrina adamussim cohercent, sub depositionis, & privationis munera, aliusque penitus, si secus egerint Superiorum arbitrio infligendis.

De Studiis.

§. 3. Porro Scholasticorum, sive studiosorum Collegii hujusmodi numerus omni tempore minor denario non sit, quorum tres tantum, & non plures ex d. Monasterio S. Pauli Professi, & reliqui septem ex septem ejusdem Congregationis Provinciis assumantur; ita scilicet, ut Provinciarum qualibet, discipulum unum ad idem Collegium, tertio quoque anno mittendi facultatem habeat: qua in re ea lex inviolata servetur, ut Monasterium, ejusque Provincia majori Professorum numero gaudens, primum Scholasticum, primo triennio ad Collegium hujusmodi mittat, quo elapo, secundi Monasterii Alumnus subrogetur, & sic de aliis successive. Quod si in Monasterio S. Pauli, sive in alio cuiusvis Provincia hujusmodi respectivæ Monachi ad prædictas facultates addiscendas idonei non reperiatur, eo aliis ejusdem, vel vicinarum Provinciarum numerosioribus Monasteriis ad Collegium ipsum loco illorum evocentur.

De Examiniatoribus.

§. 4. Nemo autem ad dictum Collegium admittatur, quem morum probitas, & regularis disciplina studium, non commendet, & qui toti Philosophia, ac tribus duabus, vel salem Scholasticæ Theologie tractatibus in aliis prædictæ Congregationis Gymnasii sedulo non vacaverint, ab ipso Collegio arceantur. Ac propterea a Diffinitoribus ejusdem Congregationis in Capitulo Generali tres docti, præstantes, & zelo prædicti Examinatores in unaquaque Provincia instituantur qui publico consulturi bono, Scholasticos diligenter interrogent, & propositis eis Theologis, atque Philosophicis argumentis, serio, & non ad speciem examinent, deque eorumdem aptitudine, doctrina, & ingenio, præstito juramento in scriptis fidem faciant. Postquam vero sic examinati ad Urbem pervenerint, ab Abate Monasterii S. Pauli, ac Procuratore Generali Congregationis, & Lectori Collegii hujusmodi pro tempore existentibus denuo interrogentur, & iterato subdantur examini, ac idonei reperti approbentur, excipiuntur, & Collegii præmio adscripto declarantur, inhiabiles vero inventi, præmissa ad Præsidem dictæ Congregationis de eorum insufficienzi in scriptis attestatione jura, cum ejusdem Præsidis consensu, ad profel-

De amotio-
ne Lectorum, &
Studentium.De regulari-
disciplina, &
exercitatio-
nibus Theo-
logicis,

sionis suæ, sive ad alia remittantur, & in Examinateores, qui muneri suo defuerint, tanquam in perjurii reos, graviter in proximis comitiis animadvertiscantur. Quapropter ad Abbatiam Sancti Pauli regendam, ac ad Procuratoria Generalia officium ii promoveantur, qui imposito

fili muneri satisfaciant, Visitatores autem dictæ Congregationis in actu visitationis d. Monasterii S. Pauli, præfatum Collegium visitent, ac de vita, & moribus Scholasticorum diligenter inquirant, & una simul cum prædictis Abbatie Monasterii S. Pauli, & Procuratore Generali, eosdem scholastice examinent, & quos pravis moribus inquinatos, aut scientiis operam non dedisse cognoverint, prahabito Præsidis consensu, extra Collegium eliminant, & ab Urbe abigant, eorumque dimissionem eidem Præsidi, sine mora significant, qui ad præscriptum præsentium Literarum alias Scholasticos ejectorum loco substituendos curabit, ut omni tempore præfixus denarius numerus integer in Collegio hujusmodi perseveret.

§. 5. Porro nulli Lectori ultra sexennium, nullique studentium ultra triennium in dicto Collegio liceat permanere, sed his temporum spatiis respective evoluti, novi Lectors, novique Scholastici antiquioribus subrogentur, incipiendo a proxime futuro Capitulo Generali dictæ Congregationis, quod tertia Dominica, post Pascha Resurrectionis Dominica currentis anni 1687. celebrabitur. Lectors autem, & Scholastici legitime electi, ante præfixum tempus a Collegio prædicto non amoveantur, nisi intervenientibus veris, justis, atque gravioribus causis, quas Abbas Monasterii Sancti Pauli, & Procurator Generalis prædicti pro tempore existentes, tanquam Sedis Apostolicae delegati cognoverint, & probaverint, & de quibus præmisso in scriptis juramento Præsidem dictæ Congregationis certiore faciant, qui cum Visitatorum Provinciæ Romanæ, Abbatis Monasterii Sancti Pauli, & Procuratori Generalis præfatorum, vel majoris partis eorum consensu, amovendos amoveant, aliosque in amotorum locum, servato quoad Scholasticos Monasteriorum ordine supradicto, ac præmisso semper duplice eorumdem examine, sicut præmititur statuto, in Collegium judicant. Quod si contingat Lectors intermedio tempore justis, & gravioribus id exigentibus causis amoveri, & Collegio privari, Præses cum supradictorum, vel majoris partis eorumdem consensu, de aliis Lectoribus provideat, usque ad futuram Dietam, si proxime fuerit celebranda, in qua nova Lectorum hujusmodi electio, vel confirmetur, vel reprobetur, donec in Capitulo Generali Congregationis prefata, tunc proxime futuro, a Diffinitoribus, præstito prius Juramento, ut supra per secreta suffragia ea omnia, quæ interea gesta fuerint, confirmentur, vel recidantur. Eodemque modo pariter, ac lege in casu mortis, vel diutine ægritudinis, sive Lectorum, sive Scholasticorum incidentibus Collegii necessitatibus usque ad Dietam, sive Capitulum Generale pro interim consulatur.

§. 6. Scholastici autem prædicti omnes, & singuli adinflar reliquorum Monachorum in prefato Monasterio Sancti Pauli degentium regulari observantiae incumbant, mentali orationi, certis horis per Constitutiones statutis omnino vacare satagant. Chorum non omittant, Missarum oneribus, qui Sacerdotio initiati fuerint, satisfaciant, cæterasque monasticas Leges inviolate custodian, ut tamen omni distractiōne semota scientiis adipiscendis infistere valeant, eos aliis occupationibus, & præsertim œconomia curis nemo audeat implicare. Ipsi quoque Scholastici, dum in prefato Monasterio Sancti Pauli commorabuntur, præter quotidianas le-

Aiones,

tiones, & repetitiones, singulis hebdomadis, seleni per ordinem theses disputandas proponant, atque aduersus arguentes ea, qua Monachos Ordinis Sancti Benedicti decet modestia, & religiositate defendant, & objecta dissolvant. Quibus literariis exercitationibus, Abbas Monasterii Sancti Pauli omnino, totiusque ejusdem Monasterii Conventus semper interfint; quocirca, ut hujuscemodi Scholasticæ concertationes studientium profectum juvenit, & non ad inanem pompan excitentur, dictus Abbas hyemali tempore in prefato Monasterio habitat, ut ejus praesentia, auctoritate, & vigilancia regularis observantia non tepecat, & Scholasticorum studia ad scientiarum amorem inflammentur. Dum vero Sancti Callisti ædes prædictas incolent, consuetas lectiones, & repetitiones neutiquam intermittant, & infuper sigillatim theses in utraque facultate typis imprimatas publice tueantur, quæ omnia, ut alacrius, facilius, & commodius exequi valeant, tum Lectores, tum Scholastici ab accessu ad Monasterium Sancti Pauli, festis diebus exceptis eximantur, prædicti vero Abbes, & Procurator Generalis, eosdem Lectores peculiari beneficia, & specialibus charitatis Officiis prosequantur, ipsique Lectores sexenno in prefato Collegio laudabiliter expleto, a Religione debitis honoribus decoruntur.

§. 7. Cæterum Magistris, & Scholasticis prædictis omnibus, & singulis viëtus, & vestitus, medicinalia, & alia ad vitam necessaria Monachorum Cassinensis more, & dicti Monasterii Sancti Pauli consuetudine servatis, ab eodem Monasterio cum omni benignitate præbeantur. Ut autem Monasterium ipsum horum causa nulli subjaceat incommodo, nec magis gravetur, cum de præsenti Lector, & sex Scholastici ab eodem ex suis proventibus substentetur; pro alio Lectori, aliisque Scholasticis addendis usque ad præscriptum numerum denarium, Procurator Generalis dictæ Congregationis, eidem Monasterio, cum effectu, fine mora singulis annis persolvat scuta sexcenta monetæ, quæ cum dicta Congregatio interusuria debiti sexaginta milium quo in Monte novennali nuncupato obstringebatur diminui, & ad minorem quantitatatem reduci nuper obtinuerit, ex ea summa, quæ per diminutionem, sive reductionem hujusmodi facta est compendii, præstanta erunt, cui solutioni, si ullus Procurator Generalis pro tempore existens satiscacere neglexerit, vel temere renuerit ipso facto, seclusa omni excusatione, nulloque favente colore, officio, dignitate Abbatiali, ac voce activa, & passiva in perpetuum privatus intelligatur, statimq[ue] a Præside dictæ Congregationis ab officio gradu, & dignitate depositus, & privatus declaretur, potestate ad eodem gradus, & dignitates iterum illum assumendi, vel rehabilitandi (Sede Apostolica inconsulta) cunctis penitus interdicta; quod si Præses negligenter, vel conniventer in his exequendis rebus extiterit, in eisdem penas se ipso facto noverit incurrisse. Pecunia vero in accessu ad Collegium, & recessu ab illo, ac in Conclusionibus quolibet anno imprimendis, expendenda a Monasteriis professionis eorum Lectorum, & Scholasticorum respective subministrantur.

§. 8. Liceat autem Abbatibus, & aliis præfata Congregationis Cassinensis Monasteria respective regentibus, necnon aliis Abbatibus, vel Superioribus aliarum Congregationum, Monachorum nigrorum tantum sub S. Benedicti Regula militantium, supra præscriptum decem Scholarium numerum, prehabito in scriptis Præsidis dictæ Congregationis Cassinensis, ac Abbatibus Monasterii Sancti Pauli, & Procuratoris Generalis præfatorum consensu, alias Monachos Monasteriorum quibus præsint, Alumnos ad Collegium prædictum mittere, persoluta quot-

annis dicto Monasterio Sancti Pauli, pro eorumdem sustentatione, aliisque necessariis convenienti pecunia summa, qui supra numerum mittendi, easdem Collegii leges, statuta, & consuetudines, quibus ceteri Scholastici obnoxii sunt, servare omnino teneantur.

§. 9. Quia vero ad præmissa omnia prorsus exequenda potissimum obstringuntur, & valde conferre possunt ipsimet Religionis Superiores, idcirco statuimus pariter, & ordinamus, ut in quolibet memorata Congregationis Cassinensis Capitulo Generali, post Diffinitorum electionem, prima die, posthabito omni alio quantumvis graviori negotio, Diffinitores ipsi diligenter, & serio inquirant, an de iis, quæ in præsentibus literis continentur aliquid omissum, innovatum, aut a quoquam fuerit in contrarium, seu alter dispositum, quod si hæc omnia, & singula non ad unguem servata, & his nostris Apostolicis iussionibus non plene obtemperatum animadverterint, statim emendanda emendent, & corrigenda corrigant, ac omnia ad formam earumdem præsentium literarum in integrum restuant, & a transgressoribus, violatoribus, & negligenteribus pro culparum gravitate penas sumant. Si autem Diffinitores prædicti in præmissis exequendis desides, remissaque extiterint omnia Capituli Generalis acta, promotiones, electiones, provisiores, designationes, & Decreta ipso facto nulla, inania, & invalida fore, harum serie decernimus, & declaramus, & præterea Abbas Monasterii Sancti Pauli, Procurator Generalis pro tempore existentes prædicti, in eisdem literarum nostrarum omnimodam executionem minime intendent, in penas privationis gradus, dignitatis, & officiorum, ac vocis activa, & passiva ipso facto se incurrisse noverint, super quibus, nonnisi a Sede Apostolica præfata dispensari posse. Denique ut nemus præmissorum ignorantiam valeat allegare, dilecto filio Andreae Deodato a Neapoli per præsentes committimus, & mandamus, ut eisdem præsentes literas, omni cura, & solicitudine, dilectis pariter filiis Præsidi, Visitatoribus, omnibusque Abbatibus præfatae Congregationis Cassinensis notificare procuret, ipseque Andreas Deodatus, qui de præsenti Procurator Generalis ejusdem Congregationis existit, præmissorum omnium, & singulorum executioni accurate, atque diligenter invigilat, ac de omnibus Nos & hanc Sanctam Sedem quamprimum reddat certiores.

§. 10. Decernentes ipsas præsentes literas, & in eis contenta quæcumque, etiam ex eo, quod Superiores, & Monachi Congregationis Cassinensis, & Monasterii Sancti Pauli præfatorum, aliive quilibet in præmissis interesse habentes, seu habere quomolibet prætententes cujuscumque gradus, ordinis, præminentia, vel dignitatis, aut alias specifica, & individua mentione, & expressione digni illis non consenserint, nec ad ea vocati, citati, & auditii, neque causa propter quas præsentes emanarint sufficienter adductæ, verificate, & justificate fuerint, aut ex alia quilibet etiam quantumvis juridica, pia, & privilegiata causa, colore, prætextu, & capite, etiam in corpore Juris clauso, etiam enormis, enorimissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quilibet, etiam quantumvis magno, & substantiali, ac incogitato, & inexcitabili, individuanque expressionem requirente defectu notari, impugnari, infringi, retractari, ad terminos Juris reduci, seu in controversiam vocari, aut adversus illas aperitionis oris, restitutionis in integrum, aliudque quodcumque Juris, facti, vel gratiae remedium intentari, vel impetrari, aut

impetrato,

De Supra-
numerariis.

De prædi-
ctorum om-
nium execu-
tione.

Clauſula.

ANNO
1687.

INNOCENTIUS UNDECIMUS.

515 ANNO
1687.

impetrato, seu etiam motu, scientia, & potestatis plenitudine paribus concessio, vel emanato quempiam in judicio, vel extra illud uti, seu se juvare ullo modo posse, sed ipsas praesentes literas semper firmas, validas, & efficaces existere, & fore, suosque plenarios, & integrös effectus sortiri, & obtinere, ac illis ad quos spectat, & pro tempore quādūcumque spectabit, in omnibus, & per omnia plenissime suffragari, & ab eis inviolabiliter, & inconcusse observari, & admirari: Sieque, & non aliter in præmissis per quicunque Judices Ordinarios, & Delegatos, etiam causarum Palati Apostolici Auditores, ac Sanctæ Romana Ecclesiæ Cardinales etiam de Latere Legatos, aliosque quolibet quacunque praeminentias, & potestate fungentes, & functiones, sublata eis, & eorum cuiilibet quavis alteri judicandi, & interpretandi facultate, & auctoritate judicari, & definiri debere, ac irritum, & inane, si fecis super his a quoquam quavis auctoritate scienter, vel ignoranter contigerit atten-

§. 11. Non obstantibus præmissis, ac quatenus opus sit felicis recordationis Pauli Secundi, & aliorum Romanorum Pontificum prædecessorum nostrorum de rebus Ecclesiæ non alienandis, alisque Apostolicis, ac in universalibus, Provincialibusque Conciliis editis generalibus, vel specialibus Constitutionibus, & Ordinationibus, necnon Congregationis Cassinensis, & Monasterii Sancti Pauli præfatorum, aliisque quibusvis, etiam iuramento, confirmatione Apostolica, vel quavis firmitate alia roboratis statutis, & consuetudinibus, stylis, usibus, etiam immemorabilibus; Privilegiis quoque Indultis, & Literis Apostolicis etiam Congregationi, & Monasterio præfatis, illorumque Superioribus, & aliis personis quibuslibet, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quonodoliber in contrarium præmissorum concessis, & quantisunque vicibus, confirmatis, & innovatis. Quibus omnibus, & singulis, etiam pro illorum sufficienti derogatione de illis, eorumque totis tenoribus, specifica, expressa, ac individua, & de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma adhuc servanda fore, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & inservientur præsentibus pro expressis, & ad verbum insertis, habentes, illis alias in suo labore permanuris ad præmissorum effectum hanc vice dumtaxat specialiter, & expresse derogamus, ac plenissime, & amplissime derogatum esse volumus, ceterisque contrariis quibuscumque.

§. 12. Volumus autem, ut earumdem præsentium literarum transumpsis, seu exemplis, etiam impressis manu alicujus Notarii publici subscripsit, & sigillo persone in Ecclesiastica dignitate constituta munitis, eadem prorsus fides tam in judicio, quam extra illud habeatur, quæ ipsis præsentibus haberetur, si forent exhibita, vel ostensa.

Datum Roma apud S. Mariam Majorem sub Annulo Pisc. die XXII. Martii MDCLXXXVII. Pontificatus nostri Anno Undecimo.

Erigitur in Congregationem Confraternitas Bethlemitarum in Indiis Occidentalibus, ejus nova Constitutiones confirmantur, & privilegia, exemptiones, ac Indulgentiae ei conceduntur.

INNOCENTIUS PAPA XI.

Ad perpetuam rei memoriam.

Ecclæsæ Catholice per universum Terrarum Orbem diffusa regimini, meritis licet imparibus per ineffabilem divinæ sapientiæ, atque bonitatis abundantiam præsidentes, ad ea per quæ pietatis, & Christianæ charitatis opera ubique locorum præfertim ad Infirmorum, & Convalescentium Subventionem, & utilitatem provide, prudenterque ordinantur propensis studiis intendimus, & Christifidélium in id ipsum laudabiliter, & fructuose incumbentium Confraternitatibus in vñsceribus paternæ gerentes charitatis, felici illarum statui, & prosperæ in viâ mandatorum Domini directioni, libenter prouidemus, illasque, & personas in eis Dominio famulantes opportunis favoribus, & gratiis prosequimur, sicut rerum, locorum, temporum, & personarum qualitatibus mature consideratis, ad Dei Omnipotentis gloriam, & animarum salutem, ac piorum operis incrementum, Populique Christiani ædificationem, & consolationem specialem conspicimus in Domino salubriter expedire. Exponi liquidem Nobis nuper fecit dilectus filius Rodericus a Cruce Procurator Generalis Confraternitatis Confratrum Bethlemitarum nuncupatorum in Hospitalibus Pauperum Convalescentium in Indiis Occidentalibus canonice (ut assertur) erecta, quod dicitæ Confraternitas in eisdem Indiis initium habuit, a quondam Petro Betancur a Sancto Josepho, qui primam Domum, & Hospitale ipsius Confraternitatis in Civitate Guatimalæ pro Pauperum Convalescentium cura, aliisque pietatis, & Christianæ charitatis operibus anno 1653. edificare cœpit, subinde cum aliud simile Hospitali anno 1671. in Civitate Liman. fundatum fuisse, Constitutiones pro præfata Confraternitatis gubernio juxta tunc existentem illius statum factæ anno 1674. per Sedem Apostolicam confirmata fuerunt. Porro aucto ejusmodi Hospitalium numero, usque ad undecim, & in promptu existente multorum aliorum fundatione, pro felici, prosperoque ejusdem Confraternitatis regime, & gubernio formatae fuerunt novæ Constitutiones, præsenti illius statui convenientes, tenoris, qui sequitur videlicet.

CAPUT PRIMUM.

De Confraternitatis Instituto.

§. 1. Finis societatis est strenue admódum incumbere in exercitium operum charitatis, & misericordiæ, tam spiritualium, quam corporalium erga omne genus personarum, præfertim erga Agros convalescentes, procurando quam maxime Animarum tum propriarum, tum proximorum nostrorum salutem per omnium virtutum usum, & vitæ probata exemplar, adeout hi, qui ad nostra Hospitalia venerint corporis salutem recuperaturi in Animæ quoque salute egrediantur meliores effecti.

§. 2. Omnes subditi esse debent Præfecto Generali, & in humili subjectione suis Superioribus peculiaribus.

CLXVIII.

Dat. 25. Mart.
1687. An. II.

Exordium.

Oras, &
progressus
dictæ Confra-
ternitatis.

CAPUT